

Қазақстан Республикасы мен Ресей Федерациясы арасындағы Ембі полигонын пайдалану мен жалдау шарттары туралы келісімді бекіту туралы

Қазақстан Республикасының 2000 жылғы 5 шілдедегі N 81-II Заңы.

Мәскеуде 1995 жылғы 20 қаңтарда жасалған Қазақстан Республикасы мен Ресей Федерациясы арасындағы Ембі полигонын пайдалану мен жалдау шарттары туралы келісім бекітілсін.

Қазақстан Республикасының

Президенті

Қазақстан Республикасы мен Ресей Федерациясы арасындағы Ембі полигонын пайдалану және жалға беру шарттары туралы Келісім

2003 жылғы 7 мамырда күшіне енді (Қазақстан Республикасының Сыртқы істер Министрлігінің ресми сайты)

Ескерту. "Қазақстан Республикасы мен Ресей Федерациясы арасындағы 1995 жылғы 20 қаңтардағы Ембі полигонын пайдалану және жалға беру шарттары туралы келісімге өзгерістер мен толықтырулар енгізу туралы хаттаманы ратификациялау туралы" 2007 жылғы 21 шілдедегі № 283 ҚР Заңын қараңыз.

Бұдан былай Тараптар деп аталатын Қазақстан Республикасы мен Ресей Федерациясы,

Қазақстан Республикасы мен Ресей Федерациясы арасындағы 1992 жылғы 25 мамырдағы достық, ынтымақтастық және өзара көмек туралы Шарттың, Қазақстан Республикасы мен Ресей Федерациясы арасындағы 1994 жылғы 28 наурыздағы әскери ынтымақтастық туралы Шарттың, Қазақстан Республикасы мен Ресей Федерациясы арасындағы 1993 жылғы 22 қаңтардағы сынақ полигондарын пайдалану тәртібі туралы Келісімнің қағидаларына сүйене отырып,

Қазақстан Республикасының Үкіметі мен Ресей Федерациясының Үкіметі арасындағы 1994 жылғы 28 наурыздағы әскери-техникалық ынтымақтастық туралы Келісімді басшылыққа ала отырып, жылжымалы және тұрақты мүлкімен Қазақстан Республикасы аумағында орналасқан Ембі полигонының объектілері Қазақстан Республикасының меншігі екендігін ескере отырып, Тараптардың қорғаныс қабілетін қамтамасыз ету мақсатында және ғылымын дамыту мүддесі үшін Ембі полигонын сақтау мен дамыту қажеттілігін мойындай отырып, Тараптардың қауіпсіздігін қамтамасыз етуде Ембі полигонының маңызды ролін және қару-жарақ пен әскери техниканың алдыңғы үлгілерін сынауда эксперименталды-сынау базасын сақтау және дамыту қажеттілігін ескере отырып, төмендегілер жөнінде келісті:

1-бап

Осы Келісімнің тақырыбы, әрі қарай Полигон деп аталатын Ембі полигоны, сондай-ақ Қазақстан Республикасының Ресей Федерациясына Полигонның жер учаскелерін, жылжымалы және тұрақты мүлігін уақытша пайдалануға жалға беру шартымен беру тәртібі болып табылады. Полигонның жылжымалы және тұрақты мүлкінің тізбесі мен құрамы, жалға беру ұзақтығы, жалға беру ақысының мөлшері мен оны енгізу мерзімі, осы Келісімге қол қойылғаннан кейін үш ай мерзім ішінде жасалатын Полигонды жалға берудің жеке шартымен анықталады.

Полигон Қазақстан Республикасының Ақтөбе облысы аумағында орналасқан. Полигон жер алаңының шекарасы болып осы Келісімнің ажырамас бөлігі болып табылатын қосымшада координаталары келтірілген, геодезиялық белгілер мен тұрғылықты жердегі негізгі нүктелерді жалғастыратын сызық болып табылады.

2-бап

1. 1991 жылдың 31 тамызына дейін жасалынған және қондырылған Полигонның жылжымалы және тұрақты мүлкі Қазақстан Республикасының меншігі болып табылады.
2. Полигонда 1991 жылдың 31 тамызынан кейін жасалған, алынған және қондырылған жылжымалы және тұрақты мүлікке деген меншік құқығы Полигонның жылжымалы және тұрақты мүлкін ұстауға, пайдалануға және кезекті жөндеуге кеткен шығындарды есептемегенде, оны құруды, алуды және жеткізуді қаржыландыруды жүзеге асырушы Тарапқа беріледі. Осыған орай Ресей Федерациясы Қазақстан Республикасымен мұндай мүлікті жасауды және жеткізуді, сондай-ақ жалға беру мерзімі аяқталғаннан кейін Тараптардың тұрақты мүлікті пайдалануын келіседі.

Барлық жағдайларда жобалық шешімдердің экологиялық және басқа да қауіпсіздігін қамтамасыз ету, Полигон басшылығының Қазақстан Республикасының тиісті министрліктері мен ведомстволарына талқылау мен сарап қорытындысы үшін керекті мәліметтерді беру жолымен жүзеге асырылады.

3-бап

1. Қазақстан Республикасы 1991 жылғы 31 тамыздағы жағдайға сәйкес Ресей Федерациясына жалға беру жағдайымен, келісілген түгендеу ведомствосы бойынша Полигонның жылжымалы және тұрақты мүлкін береді. Тараптар осы Келісімге қол қойылған күннен кейін аталған мүлікті жалға беру шартын дайындау үшін бірлескен комиссия құрады. Бірлескен комиссия жалға беру шартында жыл сайынғы жалға беру ақысының мөлшерін, сондай-ақ 1992-1994 жылдары Ресей Федерациясының Полигонды пайдалануына байланысты Қазақстан Республикасының әрбір жылға жылдық жалға беру ақысы деңгейінде мүліктік шығын және шығындар мөлшерін бағалайды. Екі мемлекеттің Үкіметтері ақы беру механизмін жалға беру шартына сәйкес анықтайды.

Осы мақсаттарда Тараптар бірлескен Комиссияға, оның құрылуы кезінде, аталған жұмыстарды жүзеге асыру үшін қажетті құжаттарды береді.

2. Қазақстан Республикасы жалға беру жағдайымен уақытша пайдалануға Ресей Федерациясына Полигонның жер учаскелерін береді. Ресей Федерациясы жалға беру (тұрақты немесе мезгілді) кезеңінде Ресей Федерациясының мүддесі үшін Полигонның пайдаланатын жерлері үшін ақы төлейді.

4-бап

Ресей Федерациясына жалға беру шартымен берілетін жылжымалы және тұрақты мүлік, осы Келісімге қосымшада көрсетілген тиісті жер учаскелері тек қана Полигон алдында тұрған тапсырмаларды орындауды қамтамасыз ету үшін мақсатты бағытта пайдаланылуға тиіс. Бұл мүлік пен жер учаскелері Тараптардың және үшінші елдердің заңды және жеке адамдарына субарендаға берілмейді.

5-бап

Жалға беру мерзімі біткенде, сондай-ақ осы Келісімнің күші тоқтағанда жалға беру шартымен берілген жекелеген объектілерде жұмыстар уақытынан бұрын тоқтаған жағдайда Ресей Федерациясы олардың амортизациялануын есептей отырып, әрі қарай пайдаланатындай жағдайда жер учаскелерін, жалға алған жылжымалы және тұрақты мүлікті Қазақстан Республикасына қайтарады.

Барлық жағдайларда мүлік пен жер учаскелерін қабылдау-беру Тараптардың өкілетті өкілдерінен құралған бірлескен комиссиямен жүзеге асырылады.

6-бап

1. Полигонның Ресей Федерациясына берілген объектілерін, жылжымалы және тұрақты мүлігін пайдалануды қамтамасыз ететін әскери құрамалар Ресей Федерациясы Қарулы Күштерінің құрамына кіреді. Уақытша Қазақстан Республикасы аумағында орналасқан Ресей Федерациясы әскери құрамаларының статусы Тараптардың жеке келісімімен анықталады.
2. Әскери құрамалардың штаттық құрылымдары мен саны Қазақстан Республикасы Қорғаныс министрлігінің келісімі бойынша Ресей Федерациясы Қорғаныс министрлігімен бекітіледі.

Полигон бастығын тағайындау Қазақстан Республикасы Қорғаныс министрінің келісімімен, Ресей Федерациясы Қорғаныс министрінің ұсынуы бойынша Қазақстан Республикасы Президентімен келісіле отырып, Ресей Федерациясының Президентімен жүзеге асырылады.

3. Полигон орындайтын тапсырмалар көлемі өзгергенде, Қазақстан Республикасы Қорғаныс министрлігімен келісу бойынша Ресей Федерациясының Қорғаныс министрлігі Ресей Федерациясы Қорғаныс министрлігінің әскери құрамаларының құрылымдары мен штаттық санында өзгертулерді жүзеге асырады.

7-бап

Ресей Федерациясына жалға берілген Полигонның қызметі Қазақстан Республикасы Қорғаныс министрлігімен келісілген Ресей Федерациясы Қорғаныс министрлігі бекітетін ол туралы ережемен реттеледі және:

- күрделі құрылыс жоспарларын қоса есептегенде, Полигонды дамыту жоспарлары;
- ғылыми-зерттеу және сынақ жұмыстарының жылдық жоспарлары;
- Тараптар әскерлері ұрыс ракеталарын ұшыратын тактикалық жаттығулардың жылдық жоспарлары;
- қару-жарақ пен әскери техниканы пайдалану және жөндеудің жылдық жоспарлары негізінде жүзеге асырылады.

Жылдық жоспарлар мен кестелер Тараптардың Қорғаныс министрліктерімен жоспарланып отырған жылдың 1 желтоқсанына дейін бекітіледі.

8-бап

Ресей Федерациясы өзіне жалға берілген Полигонның жылжымалы және тұрақты мүлкін пайдалану кезінде:

- Полигонның инфрақұрылымын қалпына келтіруді және ұстауды;
- Тараптардың қару-жарақ және әскери техника үлгілерін сынауды белгіленген шекараларда өткізуді;
- жүргізілетін жұмыстар қауіпсіздігі мен ракеталарды Полигон шеңберінде ұшыруды;
- Тараптардың қорғаныс министрліктерінің келісуімен Қазақстан Республикасы Қарулы Күштерінің мүддесі үшін Полигонды ұрыс атыстарын орындау үшін пайдалануды;
- Полигонның ғылыми-техникалық сынақ кешені мен инфрақұрылымын сақтауды және оларды жұмыс бабында ұстауды;
- ракеталар мен нысаналар қалдықтарын іздеуді, көшіруді және пайдалануды, ұрыс алаңдарын уақытылы тазалауды;
- апаттар салдарын уақытылы жоюды және Қазақстан Республикасына келтірілген зиянның орнын толтыруды;
- Полигонның экологиялық жағдайын табиғатты қорғаудың ұзақ мерзімді және жылдық бағдарламасын жасау және іске асыру жолымен қалпына келтіруді қамтамасыз етуді міндеттенеді.

Полигонның ұрыс алаңдарынан тыс нысаналар, ұшу аппараттары, ракеталар немесе олардың бөлшектері құлаған жағдайда, Ресей Федерациясы бұл жайында жиырма төрт сағат ішінде Қазақстан Республикасына ресми ақпарат береді. Бұл оқиға жөнінде Қазақстан Республикасы мен Ресей Федерациясына тергеу материалдарын беріп, үш күн мерзім ішінде құрылатын тергеу жөніндегі Тараптардың бірлескен комиссиясы тергеуді жүргізеді.

Полигон басшылығы жергілікті өкімет және басқару орындарымен бірлесе отырып, маусымды ауылшаруашылық жұмыстарын жүргізу кезінде Полигон аумағының учаскелерін пайдалану тәртібін анықтайды.

Полигонның ішкі байланыс жүйелерін, автомобиль және темір жолдарын пайдалану, ұстау және жетілдіру осы құралдарды пайдаланатын Полигонның әскери құрылымдарымен жүзеге асырылады.

Полигонның аумағын басқа мақсаттарда пайдалану кезінде оның жоспарлы жұмыстарын уақытша тоқтату немесе шектеу Тараптар қорғаныс министрліктерінің бірлескен шешімдері негізінде жүргізіледі.

9-бап

Полигон пайдаланатын жер учаскелерінде адамдар, өсімдік және жан-жануарлар өміріне қауіп төндіретін радиоактивті, улы заттар, ядролық және химиялық қару-жарақ, сондай-ақ басқадай өнімдерді пайдалануға және көмуге тиым салынады.

10-бап

Ресей Федерациясы Қазақстан Республикасының экологиялық нормативтерін, су мен жерді пайдалану ережелерін және нормаларын орындауға міндетті. Полигонның қызметі салдарынан келтірілген экологиялық зиян Ресей Федерациясымен жойылады. Осыған орай, зиянды өтеу тәртібі мен зиянның мөлшері арнайы құрылған мемлекетаралық комиссиямен анықталады.

11-бап

Ресей Федерациясының мекемелері мен ұйымдарына, әскери ведомстволарына, жеке адамдарына Полигон аумағында геологиялық барлау жүргізуге, пайдалы қазбаларды өңдеуге, аңдарды аулау кәсібімен айналысуға, балық аулау мен жабайы өсімдіктерді жинауға тиым салынады.

12-бап

Әскери қызметшілер, олардың отбасы мүшелері, өнеркәсіп мамандары Ресей Федерациясынан Полигонға жаңа қызмет немесе жұмыс орнына және кері қарай жіберілгенде, алынуы кедендік органдарға жүктелген кедендік баж салығын, акциздерді және басқа да салықтарды төлеусіз кеден шекаралары арқылы өз жүктерін алып өтеді.

13-бап

Қазақстан Республикасының Қорғаныс министрлігі Полигонда өңдеуден өткен жаңа қару-жарақ пен әскери техниканың жаңа түрлерін, соның ішінде жалдық ақы есебінен, Қазақстан Республикасы және Ресей Федерациясы арасындағы 1994 жылғы 28 наурыздағы әскери ынтымақтастық туралы Шартта бекітілген тәртіппен алуға басым құқығы бар.

14-бап

Осы Келісімнің қосымшасында шекарасы анықталған, Полигон аумағының әуе кеңістігі оның жұмысын қамтамасыз етуге пайдаланылады.

Полигон аумағының әуе кеңістігін пайдалану тәртібі мен шарттары Қазақстан Республикасының заңы және басқа да нормативті актілерімен анықталады.

15-бап

Полигон үшін Қазақстан Республикасы мен Ресей Федерациясының шекаралары арқылы жүктерді жіберу Қазақстан Республикасы мен Ресей Федерациясының кедендік заңына сәйкес алынуы кедендік органдарға жүктелген кедендік баж салығын, акциздерді және басқа да салықтарды төлеусіз жүзеге асырылады.

16-бап

Техникалық нормаларға сәйкес шығынға жазылуға тиісті жылжымалы және тұрақты мүлікке иелік ету, Қазақстан Республикасының мемлекеттік мүлікті басқаруға өкілденген мемлекеттік органымен Тараптардың қорғаныс министрліктерінің келісілген ұсыныстары бойынша жүзеге асырылады.

17-бап

Полигон аумағында қамтамасыз етудің, соның ішінде сауда-тұрмыстық, әлеуметтік, сондай-ақ медициналық қызмет көрсетудің барлық түрлері Ресей Тарабымен жүзеге асырылады.

Полигонның қызметшілер мен жұмысшылар қызметтеріне Ресей Федерациясының азаматтарымен қатар Қазақстан Республикасының азаматтары да қабылданады. Осыған орай, оларға, азаматтығына қарамастан Ресей Федерациясының еңбек заңына сәйкесті барлық еңбек ақы төлеу шарттары таратылады.

18-бап

Полигонда орналасқан Ресей Федерациясының әскери құрамаларын, сондай-ақ Полигонның инфрақұрылымын ұстауды Ресей Федерациясы қаржыландырады.

Полигон аумағындағы әскери қызметшілер мен әскери құрылымдардың тіршілік әрекетін қамтамасыз ету мақсатында, Тараптардың ұлттық валюта айналымы мәселелері Қазақстан Республикасының Ұлттық банкі мен Ресей Федерациясының Орталық банкісі арасындағы Келісімге сәйкес реттеледі.

19-бап

Полигон режимді объект болып табылады. Оның барлауға қарсы қамтамасыз етілуі Қазақстан Республикасы мен Ресей Федерациясының арасындағы Қазақстан Республикасы аумағында уақытша орналасқан Ресей Федерациясының әскери құрамалары мен олардың құрамына кіретін адамдардың қауіпсіздігін қамтамасыз ету бойынша ынтымақтастық және әрекеттестік туралы Келісімге сәйкес жүзеге асырылады.

Полигондағы режимдік шаралар Ресей Федерациясы Қарулы Күштерінде қабылданған тәртіппен Полигонның басшылығымен ұйымдастырылады және жүзеге асырылады.

Полигон объектілеріне Қазақстан Республикасы Қорғаныс министрлігі және Ресей Федерациясы Қорғаныс министрлігінің әскери бөлімдері, сондай-ақ Тараптардың өнеркәсіп ұйымдарының өкілдерін жіберу-келісілген тәжірибе-конструкторлық, ғылыми-зерттеу жұмыстарының тізбелері, Қазақстан Республикасы Қарулы Күштерінің тактикалық жаттығуларының жоспарлары және аталған бөлімдер мен ұйымдардың шектелген сұранымдары негізінде жүзеге асырылады.

Полигонға Қазақстан Республикасының ресми адамдарын олардың қызмет міндеттерін орындау үшін жіберу Қазақстан Республикасының іс жүзіндегі нормативті актілерімен, сондай-ақ Полигон туралы Ережемен анықталған тәртіпте іске асырылады.

Полигон үшінші елдер азаматтарының болуы Тараптардың белгіленген тәртібімен келісіледі.

20-бап

Қазақстан Республикасы арнайы органдар құра алады және қажетболғанда, Полигонда шартты жалға беру жөніндегі шартты орындауға байланысты барлық мәселелерді шешу үшін олардың өкілдерін Полигонға жібере алады.

21-бап

Осы Келісімді орындау бойынша Тараптардың қызметін үйлестіру Қазақстан Республикасы мен Ресей Федерациясы арасындағы 1994 жылғы 28 наурыздағы әскери ынтымақтастық туралы Шартқа сәйкес құрылатын Бірлескен комитетпен жүзеге асырылады. Осыған орай Бірлескен комитет пайда болатын даулы мәселелер бойынша өз өкілдігі шеңберінде шешімдер қабылдайды. Басқа жағдайларда ол Тараптар Үкіметтеріне тиісті ұсыныстар енгізеді.

22-бап

Осы Келісімге Тараптардың өзара келісуі негізінде өзгертулер мен түзетулер енгізілуі мүмкін.

Келісім он жыл мерзімге жасалады. Оның күші, егерде бір Тарап екінші Тарапқа әрбір он жылдық мерзімнің бітуіне алты ай қалғанға дейін оның қызметін тоқтату туралы өз тілегін жазбаша түрде хабарламаса, оның қызметі кейінгі он жылға өзінен-өзі ұзартылады.

Егерде Тараптар жалға беру шарттары туралы келісілген шешімге келмесе немесе Тараптар бұл Шарттарды орындамаса осы Келісімнің қызметі тоқтатылады.

Осы Келісім қол қойылған күннен бастап уақытша қолданылады және Тараптардың оның күшіне енуіне қажетті мемлекетаралық рәсімдерді орындағаны туралы соңғы мәлімдемесінен кейінгі күні күшіне енеді.

1995 жылы 20 қаңтарда Мәскеуде әрқайсысы қазақ және орыс тілдерінде екі дана болып жасалынды, сондай-ақ екі текстің күші бірдей.

*Қазақстан
үшін үшін*

Республикасы

Ресей

Федерациясы

Қазақстан Республикасы мен

Ресей Федерациясы арасындағы
Ембі полигонын пайдалану және
жалға беру шарттары туралы
Келісімге
Қосымша

"Ембі" Полигонынң жер учаскелерінің шекарасын анықтайтын геодезиялық белгілер мен негізгі нүктелер координаталарының Тізбесі

Негізгі нүкте номері	Геодезиялық белгінің аты	Тікбұрышты координаталар X (м) Y (м)	Географиялық солтүстік (град.мин.), шығыс (град.мин.)	координаталар ендік бойлық
1	2	3	4	
27		5 409 131 10 582 487	4 8 58 08	4 9
1		5 404 450 10 583 230	4 8 58 08	4 6
2	234 белгі	5 400 655 10 583 320	4 8 58 08	4 4
3		5 398 020 10 586 990	4 8 58 11	4 2
4	299 белгі Лопуховый	5 395 665 10 588 169	4 8 58 12	4 1
5	266 белгі Вытянутый	5 368 749 10 584 115	4 8 58 08	3 6
6	253 белгі Қарағандымола	5 369 062 10 583 062	4 8 58 07	2 7
7	316 белгі Арыстан	5 340 141 10 597 401	4 8 58 19	1 1
8		5 326 600 10 589 700	4 8 58 12	0 4
9	313 белгі Ақтөркөл қ.	5 280 440 10 601 500	4 7 58 21	3 9
10		5 273 200 10 603 900	4 7 58 23	3 5
11		5 264 100 10 604 200	4 7 58 26	3 0
12	287 белгі Бес Балка	5 259 695 10 603 867	4 7 58 23	2 8
13		5 259 610 10 584 000	4 7 56 06	2 8
14		5 180 000 10 584 000	4 6 58 06	4 5
15		5 180 000 10 560 000	4 6 57 47	4 5

16		5 247	200	4 7	2 1
		10 564 400		57 51	
17		5 318	900	4 8	0 0
		10 535 800		57 29	
18		5 333	500	4 8	0 8
		10 535 850		57 29	
19		5 344	280	4 8	1 4
		10 540 620		57 33	
20		5 370	080	4 8	2 8
		10 582 165		57 42	
21		5 378	380	4 8	3 2
		10 564 050		57 52	
22	232 белгі Обрыв	5 386	921	4 8	3 6
		10 569 280		57 56	
23		5 392	900	4 8	4 0
		10 573 670		58 00	
24		5 393	100	4 8	4 0
		10 570 090		57 57	
25		5 394	580	4 8	4 1
		10 570 355		57 57	
26		5 407	395	4 8	4 8
		10 578 460		58 04	
27		5 409	131	4 8	4 9
		10 582 487		58 08	